

ԿԱՌԱՎԱՐԱԿԱՆ ԲԱՐՈՐ ՊԱՐԴԵՎԻ ՀԱՆՁՆՈՒՄ

Սովետական գիտության զարգացմանը մատուցած մեծ ծառայությունների համար այս տարվա մարտին Հայաստանի գիտությունների ակադեմիայի ակադեմիկոս, գիտության վաստակավոր գործիչ Արմենակ Մնջոյանին շնորհվեց Սոցիալիստական աշխատանքի հերոսի կոչում:

Մայիսի 23-ին Հայկական ՍՍՀ գիտությունների ակադեմիայի նիստերի դահլիճում տեղի ունեցավ կառավարական բարձր պարգևի հանձնմանը նվիրված երեկո:

Բացելով երեկոն, Հայկական ՍՍՀ գիտությունների ակադեմիայի պրեզիդենտ, ակադեմիկոս Վ. Համբարձումյանը ասաց, որ հանրապետության գիտնականների մեծ կոլեկտիվը Ա. Մնջոյանին ճանաչում է որպես անխոնջ ու աշխատասեր մարդու, որն իր ամբողջ կյանքը նվիրել է գիտությանը: Կառավարական բարձր պարգևը նրա ձեռք բերած գիտական արդյունքների լավագույն գնահատականն է:

ՍՍՀՄ Գերագույն սովետի նախագահության հրամանագիրը ընթերցելուց հետո Հայկական ՍՍՀ Գերագույն սովետի նախագահության նախագահ Ն. Հարությունյանը գիտնականին է հանձնում Լենինի շքանշան, «Մուրճ ու մանգաղ» ոսկե մեդալ, Սոցիալիստական աշխատանքի հերոսի դիպլոմ և ՍՍՀՄ Գերագույն սո-

վետի նախագահության, Հայաստանի կոմկուսի Կենտկոմի, Հայկական ՍՍՀ Գերագույն սովետի նախագահության և Մինիստրների սովետի անունից ջերմորեն շնորհավորում է գիտնականին կառավարական բարձր պարգևին արժանանալու առթիվ, նրան ցանկանալով քաջառողջություն և նորանոր հաջողություններ:

Կառավարական բարձր պարգևի առթիվ անվանի գիտնականին ողջունեցին հանրապետության գիտությունների ակադեմիայի ակադեմիկոս Մ. Մանվելյանը, թղթակից-անդամներ Ս. Միրզոյանը, Ա. Գասպարյանը, Երևանի «Պոլիտիկա» լրագրության գործարանի ղեկավար Կ. Խուդոյանը, Երևանի պոլիտեխնիկական ինստիտուտի Լենինականի մասնաճյուղի տեխնոլոգիական ֆակուլտետի ղեկան Զ. Հովհաննիսյանը, նուրբ օրգանական քիմիայի ինստիտուտի ավագ գիտաշխատող Ն. Հակոբյանը:

Վերջում շնորհակալական խոսքով հանդես եկավ ակադ. Ա. Մնջոյանը:

Երեկոյին ներկա էին Հայաստանի կոմկուսի Կենտկոմի առաջին քարտուղար Ա. Քոչինյանը, Հայկական ՍՍՀ Մինիստրների սովետի նախագահ Բ. Մուրադյանը, Հայկական ՍՍՀ Մինիստրների սովետի նախագահի տեղակալ Լ. Ստեփանյանը:

Ա. ԾԱՏՈՒՐՅԱՆ